

婦

人

集



婦人集

陳維崧撰
冒襄注

王雲五主編

叢書集成初編

婦 人 集

中華民國二十五年十二月初版

撰 者 陳 維 崧

注 者 冒 衰

發行人 王 雲 五
上海河南路

印刷所 商 務 印 書 館
上海河南路

發行所 商 務 印 書 館
上海及各埠

婦人集

宜興陳維崧其年撰

如臯冒 褒無譽注

長平公主

孫承澤春明夢餘錄曰公主名徽姬

明思宗女皇后產也甲申

之變御劒親裁傷頰斷腕越五宵旦復甦順治二年上

書

世祖章皇帝甚有音旨

書曰幾死臣妾跼踖高天髡緇空王庶申罔極先是主議降太

僕公子都尉周君名世顯至是詔求故劍仍館我周君焉爭薨張晨長平公主誄曰當扶桑上仙之日距穠李下嫁之年星燧初周芳華未歇又日公主塋彰義門之賜庄禮也

明思宗田貴妃維揚人性明慧沉默寡言笑最得帝寵

吳偉業永和宮詞曰
貴妃明慧獨承恩

甲申李賊入燕妃先一年薨

長安女尼妙音舊先帝時官人也國破後出居民間祝
髮于北城之文殊庵與海昌相國居址切近常出入相
國家談宮中舊事及甲申三月事甚悉言十九日夜漏
欲盡先帝徧召內人命其出宮避賊是時黃霧四塞對
面不相見帝泣下沾襟六官皆大哭又言宮中侍姬都
以青紗護髮外施釵釧自遭喪亂香奩寶鈿悉爲人奪
惟存青紗數幅猶昭陽舊物也

吳江吳兆騫白頭宮女
行云長安女冠頭似雪

度地黃絕懸百結手執金經淚暗流云是前朝舊宮妾
又云一托香臺已十秋每談遺事自生愁室中漫禮金
仙席夢裏還隨玉輦游惆悵生年邁陽九戒珠持徧甘
衰朽天家龍種尚飄零賤妾蛾眉亦何有晚樹沉沉禁
苑斜山川滿日思悲笳傷心欲
到扶風市零落金箱憶漢家

鄭姁故襄王宮人遭亂爲沔陽漁人所得常椎髻跣足

釣于黃金湖頭獨着慘紅衫服云是故襄妃物也

見董以寧

楚游聞見錄張獻忠假楊嗣昌兵符破襄陽事出倉卒
宮中無得免者姁奉命往凌儀賓家送生日銀絲因匿
藻井上獲免又聞賊盡斯城中婦女繼趾囊
之于酒間賭勝姁之跣足意或悼此見原注

姑蘇女子圓圓

字晚芬

戾家女子也色藝擅一時如臯冒

先生常言婦人以姿致爲主色次之碌碌雙鬟難其選

也蕙心純質澹秀天然生平所覲則獨有圓圓耳崇禎
末年戚畹武安侯劫置別室中侯武人也圓圓若有不
自得者李自成之亂爲賊帥劉宗敏所掠我兵入燕京

圓圓歸某王宮中爲次妃

吳縣葉襄贈姜垓百韻詩有
云酒醺尋卜賽花底出陳圓

按卜賽亦金陵名妓家伯兄有贈畹芬絕句瀟湘一幅
小庭收菡萏香餘暮色幽細細白雲生枕簟夢圓今夜
不知秋秋水波迴春月姿淡然遠岫學雙
眉清微妙氣輕嘯吸谷裏幽蘭許獨知

臨淮老妓某戚畹府中淨持也後爲東平侯女教師甲
申京都失守侯欲偵兩宮音息而賊騎充斥麾下將無
一人肯行妓奮然曰身給事戚畹邸中久宜往遂易鞋

韜持匕首間關數千里穿賊壘而還

戚畹蓋田貴妃長兄劉澤清也

金屋恭順侯

侯名吳維華

姬人父筆工也幼穎悟讀書善強

記侯寵之專房一日偶有他事失侯意錮別室中姬乃

以小赫蹏作書敘其辛楚中有長生殿卷中人語侯見

之不解所出典籤某曰此用玉環崔徽二事實侯大喜

卽日迎歸邸第寵愛如初

蘭陵鄒推官有金屋歌歌長不載

寇白門南院教坊中女也朱保國公娶姬時令甲士五

十俱執絳紗燈照耀如同白晝

國初籍沒諸勳衛朱

盡室入燕都次第賣歌姬自給姬度亦在所遣中一日

謂朱曰公若賣妾計所得不過數百金徒令妾死沙吒利之手且妾固未暇卽死尙能持我公陰事不若使妾南歸一月之間當得萬金以報公度無可奈何縱之歸

越一月果得萬金

按姬出後流落樂籍中吳祭酒作詩贈之有江州白傅之歎

顧夫人識局朗拔尤擅畫蕙蘭蕭散落拓畦徑都絕固當是神情所寄

顧字橫彼合肥龔大中丞名鼎孳其尊拙齋集中孤負香衾事早朝及不知何

福得消君諸絕俱爲夫人咏也

人目河東君風流放誕是永豐坊底物

河東君姓柳名是字如是錢尙

書謙益姬人尙書築我聞室以居之常于鴛湖舟中作百韻詩以贈柳有云河東論氏族天上問星躔漢殿三

眠貴吳宮萬縷連瑤光朝孕碧玉氣夜生元又云纖腰
宜蹴踞弱骨稱鞦韆天爲投壺笑人從爭博癩又云凝
眸喚亦好溶漾坐生憐薄病如中酒輕寒未拆錦清
愁長約畧微笑與遷延君之風神才藝慨可見矣

徐湘蘋

名燦

才鋒適麗生平著小詞絕佳蓋南宋以來閨

房之秀一人而已其詞娣視淑真似畜清照至道是愁

心春帶來春又歸何處又衰楊霜徧灞陵橋何處是前

朝等語纏綿辛苦兼攝屯田淮海之勝直可憑衿

湘蘋海寧

陳相國之遴賢配著拙政園詩餘初集再錄其感舊二

首

西江月

翦燭閑思往事看花尙記春游侯門東

去小紅樓曾共翠蛾杯酒聞說傾城尙在可如舊日風

流勿勿彈指十三秋怎不教人白首

水龍吟

合歡

花下流連當時曾向君家道悲歡轉眼花還如夢那能

長好真个而今臺空花盡亂烟荒草算一番風月一番

花柳各自門春風巧休歎花神去杳有題花錦箋香稿
紅英舒卷綠陰濃淡對人猶笑把酒微吟譬如舊侶夢
中重到請從今秉燭
看花切莫待花枝老

或于臺城舊內見二絕句云南朝天子一愁無石子岡
連元武湖草綠離宮人不到日長惟勅阮佃夫臨春閣
外渺無涯烽火連天動妾懷十懷長圍今夜合君王猶
自在秦淮中有字畫爲苔蘚剝蝕或以意補之詞意淒
婉類宏光時宮中語
宏光時懷寧阮大鍼方貴幸用
事詩中所云佃夫意或指阮
海昌彭幼玉名琰進士孫通從姑也遺集一卷最新警王
十一曾以小密花牋書其銀河吹笙一詩詩云銀河吹

徹玉笙遲清漏迢迢睡覺時巫峽雲歸俱是夢鮫人淚
滴盡成絲霜衾抱月羞孤影露葉經風別故枝王偶遺
記末二句幽思怨緒政自使人不能終曲也王推官集
中有舟中
懷彭十駿孫時讀其從姑幼玉遺集一詩詩曰鳳脰燈
寒共帝城銀河小院語平明蜀川消渴人如昨洛水微
波賦競成寂寂武源春嶂遠迢迢江浦暮
潮生謝娘柳絮班姬扇欲問仙源上玉清

秣陵紀映淮有秋柳句云棲鴉流水點秋光世多誦之

映淮字阿男詩人紀映鍾妹也漁洋山人秦淮雜詩

云十里清淮水蔚藍板橋斜日柳毵毵栖鴉流水空蕭
瑟不見題
詩紀阿男

計孝廉名東婦吳夫人善排調孝廉故貧士嘗置一妾夫

人柳榆之曰古聞糟糠之妾如何

見汪琬鈍翁說鈴

吳江葉進士

名紹袁

三女長昭齊次蕙綢三瓊章俱有才

調而瓊章尤英徹如玉山之映人詩詞絕有思致載午

夢堂集中

瓊章有侍兒名紅于汾河諸葉葉交輝中秀瓌株尤爲殊麗

天台泐大師序曰

桐城姚夫人

名維儀

無大師

方檢討以智法號無可

姑母也酷精禪

藻其白描大士尤工所著清芬閣集文章宏贍亞于曹

大家矣

宗梅岑

名元鼎

母陳夫人郡丞九室公

名輔堯

女有婦德兼

工文咏然唱隨外不以示人每有所作梅岑欲受而錄

之輒不許恐言之出于閨也臨終取生平所作盡焚之
故不傳一字梅岑每言及痛手澤之不存猶歎慕者久
之王吏部爲予言如此

昭陽李夫人

名李嫺

游心元虛托情道味賦詩不多殊復

令人咨賞可謂德音

夫人一字元衣女子所撰詩集五卷文集一卷

石城卞元文

名夢珏

女曰吳巖子

名山

夙擅詩歌西曲諸女

郎能音旨者靡不宗卞後適廣陵劉孝廉

孝廉名師峻吳梅邨西

冷閨咏序曰巖子著同聲之賦元文賦嬌女之篇詞旨
幽閑才情明慧又曰趙明誠金石之錄卷軸無存蔡中
郎薤白之辭紙筆猶在詩凡四首今錄其二五銖衣
怯鳳皇雛珠玉爲心冰雪膚綠屬侍兒春被襖紅牙小

妹夜檮蒲瓊窓日暖櫻桃賦粉簃風輕蛺蝶圖頻斂翠
蛾人不識自將書札問麻姑石城楊柳碧城鸞謝女詩
篇張女彈鸚鵡歌調銀管細琅玕字刻玉釵寒雙聲宛
轉連珠格八體穠纖倒薤看閑整筆牀攤卷素棠梨花
發倚闌干

黃比部

名永

與夫人浦氏

名映淥字湘青

伉儷最篤一日鄒大

名祇

謨

戲比部曰君得毋昔人所謂愛翫賢妻有終焉之志

乎比部曰下官正復賞其名理夫人有題周絡隱坐月
浣花圖滿江紅一闕詞云彼美人兮宛相對姍姍欲下
恰此夕月華如洗花枝低亞盼到圓時仍未滿看當開
半還愁謝與花神月姊細商量歸來罷 憐嫩蕊銀瓶

瀉迴清影晶簾挂奈晚粧猶怯鏡臺初架二十餘年芳
草恨兩三更後長吁態幾時將絡秀舊心情呼兒話附
錄艾菴往事賀新郎詞一首往事卿思否十年來幾嘆
幾喜相偎相守漫道悲歡如水去提起心頭都有卿自
置一觴一缶笑拔金釵閒指點點椿椿欲說還搖手恐
化作幡然叟何妨憤憤居人後更誇甚筆搖千字胷
盤二酉對酒當歌卿試舞長袖離披紅溜爲卿盡先生
五斗醉看諸兒羣遶膝待長成五岳容吾走卿好做尋
山偶

浦氏有詩名比部弟京
婦巢氏淑只亦能詩

王峯顧文康小女

名

諱亂後歸蘭陵董侍御一日與弟姪

輩讌集小有唱和顧因笑謂阿寧

名以寧侍御從姪也

曰著紅麝

衫弄虎邱浮圖飄爲捉搦歌新婦不如賢從賢風日清

佳作曲室中語爾時濯濯賢從應亦不如新婦也侍御

循環音理大加撫掌

董以寧曰家婦以國破家亡流離不偶每論舊事不勝惋歎嘗有詩

曰舊婢僕來詢老母嫁衣裳盡典空箱每吟二語輒爲泣下未幾云逝家侍御刻其遺集百餘篇顏曰翰墨有

遺蹟

金沙王朗學博次同

名彥

女也學博以香奩艷體盛傳

吳下朗亦生而夙悟詩歌書畫靡不精工尤長小詞爲